



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Annales Mariani Societatis Iesv

Nádasi, János

Romæ, 1658

Anno MDCV.

**urn:nbn:de:hbz:466:1-42840**

audire videbatur; Patrem illum adiret qui verberaturis sese in templo nostro de more narrat exempla, eique dicto audiens esset. Paruit, & flammam illam frequente verberum, ac Sacramentorum usu restinxit, castitate religioso etiam voto postea illigata. Hæc Virgo nos à serpente illo blandè mordente tuebitur. Nam, ut bene S. Io. Damascenus, *ad hunc paradisum serpens aditum non habuit.*

1018 Ad SSS. TRINITATIS cultum, ad eminentissimam cordis immaculati puritatem, ad mortis adeoque vite immortalis desiderium ducit suos discipulos MARIANUS amor: id quod expertus est P. Ioannes Hieronymus, qui, ut aliàs narraui, Hispali in exercitijs cum SSS. TRINITATEM in throno, Deiparam, S. Michaelis, & Angelorum ac Beatorum ordines videre sibi videretur, aiebat se tunc plenam peccatorum veniam fuisse adeptam, & dulcissimam electionis arrham cordi suo impressam donatum. Postulanti autem sibi ut vel in gratia confirmatus peccare iam non posset, vel de vita tolleretur, impetrasse. Et breui decessit. *Passionum mearum stirpes euelle,* ait ad B. Virginem S. Ioseph Græcus, *diuinasque cogitationes germinare fac ex anima mea.*

1019 Neapoli Sodales B. V. docentur ut rudibus doctrinæ Christianæ elementa tradant. Id adurus nauim conscenderat Sodalis. Huic in tempestate sopito Deipara conspecta læto vultu loqui est visa, & dicere: *Gratissimum sibi opus esse quod aggregeretur: proinde nihil mortis faciem vereretur.* Pedes Virginis osculari dum pararet, euigilauit, & mare conuenit.

ANNO MDCV.

1020 Genuæ Partheniorum vnus cum puerili pudore Societatis nostræ desiderium suppressit.

PPP 2 ret,

orat. 2<sup>us</sup>  
Ass. 1<sup>us</sup>.

ob. 1604.  
In pretiosis occupacionibus  
c. 6. n. 9.  
Celere  
SSS. Trinitatem, et  
illam pro corde mundo.  
3. Sept.

pag. 33.  
Catechismo rudem instruere.

Vocationis suæ negotium illi committere.



ret, à B. Virginis specie (quam se videre putabat) iussus est animum aperire. Adeò feliciter cadit quicquid nobis est ad salutem, si illius simus quæ etiam desideria nostra exaudit.

pag. 59.

Confilium  
am anio  
re petere  
au Virg.

1021

S. de Pu-  
rif. B. V.

p. 463.

Confilium  
B. Virgi-  
nis sequi  
in Iesu no-  
mine. ite-  
rando.

1021 Carbinij in Prouinc. Neapolitana, fœminæ è primarijs in templo precanti (quæ Societatem nec oculis, nec auribus nôrat) Beatissima Virgo cum duabus è cælo asseclis Virginibus visa dicitur hæc dixisse: *Propedem hic Patrem habebitis è Societate IESV: ei quæ tibi acciderunt exponito; eiusdem consilio acquiescito.* Adfuit breuè Pater in missione: & illa quæ viderat iureiurando testata, paruit consilio **DEI** Matris, tanto voluptatis intimæ sensu perfusa, ut sibi non in terris amplius, verùm in cælo esse, videretur. Prudenter tractandum est salutis nostræ negotium. Ad illud feliciter agendum, iuuabit nos *Virginis prudentia* (quod ait S. Ambrosius) *non humana industria fulta, sed spiritu diuinitatis afflata.*

1022 Zebuani apud Philippinas Insulas Collegij literæ aiunt gratum **DEI** Matri fuisse consilium cuiusdam è Societate cum homine quopiam de diuinis rebus colloquentis, eidemque impensius commendantis nomen **IESV**. Cùm cubas, inquebat, appella nomen **IESV**; cùm expergisceris, appella nomen **IESV**; cùm è lecto surgis, appella nomen **IESV**. Et identidem die ac nocte quantum potes appella nomen **IESV**. Hæc Pater cùm diceret, respondit homo, ut erat simplex: *Rectè tu quidem, Pater; namque hæc eadem Beatissima Virgo MARIA mihi commendauit. Mihi, nil tale merenti. Nam cùm elemosynam Sacerdoti, ut missam xenialem (quam vulgo de Aguinaldo vocant) pro me **DEO** offerret, dedissem, sacrificioque ipse interesset; enixè à B. Virgine petiui, ut Xeniorum tempore Xe-*

nia-



niale donum (Aguinaldo dictum) mihi tribueret. Concessit illa liberalissime. Nam sequenti nocte, per quietem Sanctissima Virgo visa mihi est, & blandissime allocuta dulcissimum Filij sui nomen, sic animo impressit, ut neque eius obliuisci vlllo vnquam tempore possim; & cum te idem ipsum inculcantem audio, gestire mihi præ lætitiâ videor. Quare cum Beatissimæ Virginis hortatui tuus etiam inopinatus hortatus accesserit, retinebo illum altè in animo meo, memoriâ tanti nominis sempiternâ. Placent DEI Matri sermones nostri quibus spiritua- lia tractamus, & ea docemus alios quæ ipsa Virgo doceret, si nobis ipsa loqueretur. Amat etiam si ame- mus IESV nomen, ac honoremus. B. Laurentij moni- tum est: *Ipsam honoremus in Matre: & Matrem honore- mus in Filio.*

*in Natiu.  
B.V.*

*Per iter,  
& in mor-  
bo totum  
se in illi<sup>o</sup>  
fidem com-  
mendare.*

*Spec. B.V.  
fol. 49.  
col. 4.  
ob. Valen-  
tia 11.  
Feb. 1606*

1023 Hoc anno Treuirenses Annux Rainerij Statij Nouitij meminere, qui cum Treuiros ad tirocinium profisceretur, & repente æger Deiparam imploraret, ei visa est adfuisse instar speciosissimæ Matronæ pia Mater magnâ luce circumamicta, collaudatoque pio Societatis ineundæ desiderio, Treuiros tandem ad metam destinatam peruenturum prædixisse, ibique ad meliorem vitam migra- turum. Quare ille ad tirocinium iam appulsus, & æger, medicinas parari cum videret, frustra, inquit, ista: iam enim de vita hîc finiendâ præmonuit me DEI parens, eademque breuî cum Filio, & Angelis aderit, ad immortales sedes me deportatura. Ita- vixit. Audi Bonauenturam hortatorem: *Omnis moribundus dicat cum Anselmo: Anhelat moribundus spiritus meus ad tantæ benignitatis respectum.*

ANNO MDCVI.

1024 P. Michaëli à Fontibus in India fesso sacris  
la-